



## **TOSHKENT DAVLAT YURIDIK UNIVERSITETI REKTORINING B U Y R U G ' I**

---

08.04.2024

58-um-son

### **Toshkent davlat yuridik universiteti tuzilmasini takomillashtirish to'g'risida**

O'zbekiston Respublikasi Prezidentining 2020-yil 29-apreldagi "O'zbekiston Respublikasida yuridik ta'lim va fanni tubdan takomillashtirish bo'yicha qo'shimcha chora-tadbirlar to'g'risida"gi PF-5987-son Farmoni, 2021-yil 24-dekabrda "Davlat oliy ta'lim muassasalarining akademik va tashkiliy-boshqaruv mustaqilligini ta'minlash bo'yicha qo'shimcha chora-tadbirlar to'g'risida"gi PQ-60-son qarori 1-bandi "b" kichik bandi va O'zbekiston Respublikasi Vazirlar Mahkamasining 2021-yil 9-sentabrdagi "Respublika oliy ta'lim muassasalarida talabalarni turar joy bilan qamrab olish darajasini oshirish chora-tadbirlari to'g'risida"gi 563-son qarori 8-bandiga muvofiq hamda O'zbekiston Respublikasi adliya vazirining 2020-yil 22-iyuldagi "Toshkent davlat yuridik universitetining ustavini tasdiqlash to'g'risida"gi 126-um-son, 2021-yil 5-maydagi "Toshkent davlat yuridik universiteti boshqaruv, texnik, xizmat ko'rsatuvchi va o'quv-yordamchi xodimlarning namunaviy shtatlarini yangi tahrirda tasdiqlash to'g'risida"gi 155-um-son buyruqlariga asosan, shuningdek, Toshkent davlat yuridik universiteti Kuzatuv kengashining 2022-yil 17-fevraldagi 1-son majlisi bayoni bilan tasdiqlangan Toshkent davlat yuridik universitetining rivojlantirish jamg'armasi to'g'risidagi nizomga muvofiq

### **B U Y U R A M A N:**

#### **1. Quyidagilar:**

O'zbekiston Respublikasi Prezidentining 2021-yil 24-dekabrda PQ-60-son qarori 1-bandi "b" kichik bandi uchinchi xatboshisiga muvofiq, 2022/2023 o'quv yilidan boshlab moliyaviy mustaqillik berilgan davlat oliy ta'lim muassasalariga

oliy ta'lim muassasalari uchun belgilangan normativlardan qat'i nazar muassasaning tuzilmasini tasdiqlash va shtat birliklari sonini belgilash vakolati berilganligi;

O'zbekiston Respublikasi Vazirlar Mahkamasining 2021-yil 9-sentabrdagi "Respublika oliy ta'lim muassasalarida talabalarni turar joy bilan qamrab olish darajasini oshirish chora-tadbirlari to'g'risida"gi 563-son qarori 8-bandi ikkinchi xatboshisigaga muvofiq har 120 — 150 nafar talabaga 1 ta shtat birligi hisobida tyutor lavozimi kiritilishi;

Toshkent davlat yuridik universitetining rivojlantirish jamg'armasi to'g'risidagi nizomning 8-bandida Jamg'arma mablag'lari hisobidan TDYU faoliyati, shu jumladan bo'sh turgan bino va inshootlarda pullik xizmatlar ko'rsatish uchun zarur bo'lgan tashkiliy tuzilmasiga qo'shimcha yangi lavozim, tarkibiy bo'linmalar va shtat birliklarini joriy etish hamda ularning mehnatiga haq to'lash miqdorlarini belgilash rektor buyrug'iga muvofiq amalga oshirilishi inobatga olinsin.

2. 2024-yil 1-apreldan boshlab Tahririy-nashriyot bo'limi tarkibida universitetning budjetdan tashqari rivojlantirish jamg'armasi mablag'lari hisobidan moliyalashtiriladigan jami 5 ta shtat birligida, ya'ni bosh mutaxassis, texnik muharrir va 3 ta shtat birligida muharrir lavozimlaridan iborat **Davriy nashrlar sektori** tashkil etilsin.

3. 2024-yil 1-apreldan boshlab universitetning quyidagi tarkibiy bo'linmalariga lavozimlar (shtat birliklari):

Ommaviy huquq, Jinoiy odil sudlov, Xususiy huquq hamda Xalqaro huquq va qiyosiy huquqshunoslik fakultetlarining har biriga qo'shimcha 2 ta shtat birligidan jami 8 ta shtat birligidan iborat tyutor lavozimi;

Ekspluatatsiya va ta'mirlash boshqarmasiga qo'shimcha 2 ta shtat birligidan iborat qorovul lavozimi;

Tahririy-nashriyot bo'limining Tipografiya sektoriga qo'shimcha 3,5 ta shtat birligida, ya'ni 1 shtat birligidan matbaa dizayneri, muharrir, muqovachi va 0,5 shtat birligida muhandis-hisobchi lavozimlari ajratilsin.

4. Toshkent davlat yuridik universiteti tuzilmasi yangi tahrirda ilovaga muvofiq tasdiqlansin.

5. Kadrlar bo'limi (S.Mamanazarov) va Yuridik byuro (A.Tursunov) universitet ichki hujjatlari va boshqa tegishli hujjatlarni zaruratga

ko'ra ushbu buyruqqa muvofiqlashtirish choralarini ko'rsin.

6. Tahririy-nashriyot bo'limi (O.Choriyev) Yuridik byuro (A.Tursunov) bilan birgalikda bir oy muddatda Tahririy-nashriyot bo'limi to'g'risidagi nizomni qayta ishlab chiqsin va tasdiqlash uchun kiritsin.

7. Moliya-iqtisod bo'limi (A.Raximov) universitetning boshqaruv, texnik, xizmat ko'rsatuvchi va o'quv-yordamchi xodimlari hamda professor-o'qituvchilar tarkibi bo'yicha shtat jadvalini mazkur buyruqdan kelib chiqqan holda qaytadan ishlab chiqib, 2024-yil 1-apreldan joriy etilishini ta'minlasin.

8. Toshkent davlat yuridik universiteti rektorining 2023-yil 7-yanvardagi "Toshkent davlat yuridik universiteti tuzilmasini takomillashtirish to'g'risida"gi 3-um-son buyrug'ining 4-bandi va ilovasi o'z kuchini yo'qotgan deb hisoblansin.

9. Mazkur buyruqning bajarilishini nazorat qilishni o'z zimmamda qoldiraman.

**Rektor v.v.b.**



**I.RUSTAMBEKOV**

Toshkent shahar

## **Kiritildi:**

Bo'lim boshlig'i

A.RAXIMOV



## **Kelishildi:**

Moliya-iqtisod ishlar bo'yicha  
prorektor

A.IMINOV



Ilmiy ishlar va innovatsiyalar  
bo'yicha prorektor

B.XODJAYEV



Boshqarma boshlig'i

D.MAXKAMOV



Bo'lim boshlig'i

S.MAMANAZAROV



Katta yuriskonsult

A.TURSUNOV



Bosh buxgalter

M.PARPIYEV



Toshkent davlat yuridik universitetining  
TASHKILIY TUZILMASI

